

- Sie sind so numme grad!  
 Un d Zäh, die fällt dir au it nui,  
 Du host scho 40 Jahr koini moi.  
 :/: Fall nu! As isch koi Schad! :/:  
 Herr Müller! Helfet mir do au!  
 As isch moi Sechs a Grauß.  
 So kann is oimol numme hau;  
 I ständs koi Jahr mai aus.  
 Wie! thand sie au in d Mühle nui!
- Müller: In alle Weg, das schon seyn,  
 :/: Nur her! Nur her! Nur her! :/:  
 (sie tobt wild und schlägt um sich)
- Sprecher: Jetz uf, ihr Müller! Hilfe n alle!  
 Sie hebt sich fescht mit ihre Kralle!  
 Was wehrsch di au?  
 Was willsch nit ni?  
 So kaas doch nimme länger si!  
 Litt, singe zu, mit Luscht un Macht!  
 Derwil die Mühle knarrt un kracht!
- Alle: Allo, mein Mühlrad, wie der Wind. . .
- Sprecher: Doch jetz gen acht! Scho kunnt se rus!  
 Oho! Die guckt ganz sufer us!  
 Lauf, Bur! Potzblitz! Kriegsch du e Frau!  
 E Maidle, stramm un buschber au!  
 Mer mueß grad gucke, was do wurd!  
 S hot drin jo au gnuog kracht un gsurr!
- Verjüngte Bäuerin, rauskommend:  
 Jetz bin i grad! Jetz bin i fei!  
 Jetz spring i wie a Reh!
- Bauer: O Weible, jetz bisch wieder moi!
- Bäuerin: I mag di numme meh!  
 Moinst i wär mai in d Ställ nui gau?  
 Noi, noi, a Herra will i hau?  
 :/: Gang weg! Gang weg! Gang weg! :/:
- Bauer: O Weible, o was fangst gau a!  
 Des wär jetz au verflucht!
- Hanswurst: Sie machts halt jetz, wie vor der Ma,  
 Der au a Junge gsucht!
- Bauer: Wo soll i mir jetz helfe lau?
- Hanswurst: O Oifalt, du muß nochi gau!  
 :/: Lauf Bäuerle, lauf gang furt! :/:  
 (er rennt ihr nach)